



Na osnovu člana 74. do 80. Zakona o visokom obrazovanju–prečišćen tekst („Službene novine Kantona Sarajevo“, 42/13), Odluke Vlade Kantona Sarajevo broj:02-05-24162-3/14 od 11.09.2014.godine, i Pravila studiranja na Medicinskom fakultetu Univerziteta Sarajevo School of Science and Technology (Univerzitet SSST), Univerzitet SSST o b j a v l j u j e

KONKURS

za upis studenata u prvu godinu integrisanog studija na Medicinskom fakultetu Univerziteta Sarajevo School of Science and Technology u akademskoj 2014/2015. godini

Konkurs se raspisuje za upis u prvu godinu integrisanog studija na Medicinskom fakultetu Univerziteta Sarajevo School of Science and Technology (u daljnjem tekstu: Medicinski fakultet Univerziteta SSST).

Studij medicine traje šest godina (12 semestara) i izvodi se na engleskom jeziku.

Prijave na konkurs za upis podnose se Univerzitetu SSST od 15. do 30. septembra 2014. godine.

Terminološko korištenje muškog ili ženskog roda u ovom konkursu podrazumijeva uključivanje oba roda.

U prvu godinu studija u akademskoj 2014/2015.godini,u skladu sa planom upisa studenata, upisuje se 40 studenata.

Godišnja školarina iznosi 7.200 Eura za studente državljanke BiH i studente BiH dijaspore, a za strane državljanke 12.000 Eura.

Po okončanju studija stiče se zvanje doktora medicine.

OPĆE ODREDBE

Pravo učešća na Konkursu pod jednakim uvjetima imaju državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije odnosno ekvivalencije utvrđeno da imaju završeno adekvatno obrazovanje za nastavak školovanja.

Izuzetno, kandidati koji su srednju školu završili izvan Bosne i Hercegovine imaju pravo učešća na Konkursu i prije izvršene nostrifikacije odnosno ekvivalencije svjedočanstva o završenom srednjem obrazovanju u inozemstvu, ali se u prvu godinu studija mogu upisati nakon izvršene nostrifikacije odnosno ekvivalencije o završenom



srednjem obrazovanju u inozemstvu, a najkasnije do početka akademske 2014/2015. godine.

Pravo učešća na Konkursu i polaganje prijemnog ispita imaju i kandidati sa završenom srednjom školom po međunarodnim programima koji su odobreni od nadležnog ministarstva, kao i kandidati iz država nastalih nakon raspada SFRJ, s tim što su dužni dostaviti svjedočanstvo o završenoj srednjoj školi odnosno nostrificirano svjedočanstvo za kandidate koji prethodno obrazovanje nisu završili u Bosni i Hercegovini prije početka upisa.

Ukoliko ovi kandidati prilikom predaje dokumentacije za upis nemaju nostrificirano svjedočanstvo, Medicinski fakultet Univerziteta SSST je dužan zaprimiti ostalu dokumentaciju i uključiti kandidata u postupak za upis prema odredbama člana 80. Zakona o visokom obrazovanju- prečišćeni tekst („Službene novine Kantona Sarajevo“, broj: 42/13), u kojem se navodi da se kandidat koji ispunjava uvjete konkursa, a nalazi se na rang-listi kandidata koji su položili prijemni ispit u okviru odobrene kvote studenata za upis na tu organizacionu jedinicu, može upisati u prvu studijsku godinu prvog ciklusa studija nakon izvršene nostrifikacije odnosno ekvivalencije svjedočanstva, a najkasnije do početka studijske godine.

U izuzetnim slučajevima, kandidat se može uvjetno upisati u prvu studijsku godinu prije izvršene nostrifikacije odnosno ekvivalencije svjedočanstva, uz prezentiranje potvrde da je postupak nostrifikacije odnosno ekvivalencije po njegovom zahtjevu u toku i da kašnjenje u donošenju odgovarajućeg rješenja nije rezultat njegovog propusta koji mu se može staviti na teret.

Prijem i upis studenata u prvu godinu studija provodi posebna komisija koju imenuje nastavno-naučno vijeće Medicinskog fakulteta.

Izbor kandidata vršit će se na osnovu vrednovanja rezultata na prijemnom ispitu, vrednovanja ocjena iz predmeta relevantnih za studijski program.

Prijemni ispit vršit će se testom u pisanoj formi iz engleskoj jezika, biologije, hemije i fizike. Preliminarnu rang-listu svih primljenih i prijavljenih kandidata Univerzitet SSST će objaviti na web stranici i oglasnoj ploči nakon što je verificira nastavno-naučno vijeće Medicinskog fakulteta Univerziteta SSST, najkasnije dva dana od posljednjeg dana polaganja prijemnog ispita.

Na objavljenu rang-listu kandidati mogu uložiti pisani prigovor nastavno-naučnom vijeću u roku od tri dana od dana objavljivanja liste. Nastavno-naučno vijeće organizacione jedinice dužno je da u roku od dva dana odluči o prigovoru kandidata i o tome ga obavijesti pisanom formom. Odluka nastavno-naučnog vijeća je konačna.

Univerzitet SSST će na svojim oglasnim pločama i web stranici dati potpune informacije o mjestu i vremenu predaje dokumenata za prijavu na Konkurs.



Za prijave na Konkurs za upis u prvu godinu studija kandidat je dužan predati sljedeće dokumente:

- zahtjev za upis,
- originalna svjedočanstva o završenim razredima srednje škole završene u Bosni i Hercegovini u četverogodišnjem trajanju odnosno odgovarajuće nostrificirane dokumente za kandidate koji srednju školu nisu završili u Bosni i Hercegovini (ukoliko su dokumenti u postupku nostrifikacije, prilažu se prevedeni i od sudskog tumača ovjereni dokumenti),
- originalnu diplomu o završenoj srednjoj školi,
- izvod iz matične knjige rođenih,
- uvjerenje o državljanstvu

Univerzitet SSST je obavezan su da prije upisa studenata u studijsku godinu na javan i transparentan način objavom na oglasnoj ploči i svojoj web stranici upoznaju sve studente sa pravilima studiranja, nastavnim planom i programom, te akademskom titulom i stručnim zvanjem koje se stiče nakon završetka studija.

Kandidati koji, u skladu sa Konkursom, budu primljeni na studijski program medicine, za upis u prvu godinu studija, pored već predatih dokumenata, podnose:

- upisni, semestralni list i ŠV-obrazac,
- upisnicu – indeks i
- ljekarsko uvjerenje.

Kandidatima koji nisu primljeni na Medicinski fakultet Univerziteta SSST omogućit će se preuzimanje dokumentacije u roku od 7 dana od dana objavljivanja konačne liste.